


儋縣志

彭元恭題



民國廿五年五月

續修儋縣志

王國憲題




儋縣全縣地圖



北緯五十分

北緯五十分



李登製

縣治	區公所	警衛區	市場	縣界線	區界線	里界線	茶界線	河流	山脈	橋梁	炮台	石路	已成路	未成路
◎	○	+	○	——	——	——	——	——	——	——	——	——	——	——



民國二十一年

重修儋縣志叙

王國憲

儋耳爲漢武帝元鼎六年置郡閱漢魏六朝至唐及五代文化未開北宋蘇文忠公來瓊居儋四年以詩書禮樂之教轉移其風俗變化其人心聽書聲之琅琅絃歌四起不獨千山動鱗甲萬谷酣笙鐘闢南荒之詩境也當時從學之姜王早卜其大破天荒問字之黎符常從遊於桄榔林下揚風扪雅俯暢遙吟動作起居悠然適意教化之移人所以能化稚魯以詩書動黎民之不變也及考其施教之實授當時經義初行海外無書可讀編成經說傳誦當時也辨析經傳異義參求也所成史論分明易曉也所成史斷淺近易解也大學明新至善之訓心德性善體驗見諸力行也中庸性道誠明之分統宗會元萬殊歸於一本也即至論斷諸子可引以證經無取乎繁稱博采簡而明正而則也觀公之海外集中考證精要折衷至當可與韓文公之筆解朱文公之或問同傳不朽今吾引其遺訓而暢言之垂示後之學者知所取法文忠公之教澤流傳千古矣至修志體例前人已詳言不必贅

續修儋縣志序

縣之有志猶國之有史也然國史祇總其大成網罟欠備若夫縣志則舉凡衣冠文物之盛衰社會制度之遷嬗山川形勢之險要風俗物產之殊異疆界經域之變遷城池都市之興替與夫村落佈置人類演進新陳代謝革故鼎新無不搜羅萬有悉舉靡遺雖曰往事陳迹然其所以表前代之推演爲後世之模楷使因乘相循以知興廢前車後鑑懲愆乃彰故治學者資爲材料爲政者倚爲準繩工商農藝悉資類察其意義與使命至爲重大儋縣雖僻處海陬然自漢武元鼎六年伏波將軍路博德平定南越置儋耳郡築路藍樓草昧經營以還在瓊崖十三縣中歷史最爲悠久迨宋代文豪蘇文忠公以事謫儋日與黎王諸賢笠屐往還唱酬吟咏大開文化而後飛黃騰達代有聞人如符趙爲瓊崖科甲之開端陳杜等十四人之並膺蒲輪薛氏之位至尙書以及六良六龍四雋三槐雙鳳三科二解一室三魁等韻事不勝枚舉其間嘉言懿行文獻鴻猷非僅足資後人之景仰而社會遞嬗世運推移設不有志以記之未免徒勞想像追溯無從再考儋之有志始於萬曆四十一年廣西孝廉

儋

縣志

卷首

續修志序

二

瓊州海口海南書局代印

太守曾公邦泰搜羅散帙始訂正完備迄今已世遠年湮散失殆盡卽自萬曆以至現在歷經朝代亦儘多事迹足資記述者去年四月元藻承乏是邦於擲擲公務之餘因悉縣志一書自清代及今時修時輟至會前縣長友文復設局編修乃接見志局諸君以規模已備綱目畢張所有原任總務主任林君鐵英原聘總纂王君堯雲分纂謝君瓊林陳君麥秋周君文海仍請繼續擔任俾肅厥事並以經費拮据爲之竭力勸輸使董其事者無有司農仰屋之慮得以悉心採訪編纂不數月而書竟告成此乃歷任殷勤創締之功與志局董事諸君不辭勞瘁之力非元藻所得奏效也但能早觀厥成亦心滋慰焉爾書成徵序於予因書此以誌不謬

民國二十四年五月五日 儋縣縣長彭元藻識

續修儋縣志序

縣志爲紀載一邑山川區域人物風俗之專書使覽者瞭然知其詳儋縣通聲教於漢武帝元鼎六年開化最早而志籍無存攷獻徵文者每致歎惜焉去年四月余攝篆儋邑於治安建設之餘首以籌修縣志倡頌得地方人士之贊助計共需經費六千元因思如得各區鄉殷富之借墊俟志成銷售後將書價儘數以歸墊則鉅款不難立集爰擬具預算案送縣參議會集議表決隨成立修志局以縣長兼任局長委任林君鉄英爲總務主任並就縣屬原有三十二里中每里遴委一人爲採訪復聘請王君堯雲爲總纂謝君瓊林陳君麥秋周君文海等爲分纂分工合作負責纂修本年四月余適奉檄調任普寧深以縣志不克完成爲慮閱五月始得志局函告脫稿并索一言以爲序余因此不無感念焉夫縣志之失修已數十年矣邑人雖亟亟於此然清季經鄉宦王雲清之纂修付梓未完而被燬民國六年復經知事梁夔倡修而罔效茲者人力財力非遠勝於昔而昇年之間目的竟達非得志局諸君子之

儋

縣志

卷首

續修志序

二

瓊州海口海南書局代印

熱忱毅力曷克臻此今而後儋縣之山川區域人物風俗翔實昭垂班班可攷閱斯志者曉然於僻處荒徼之古儋耳已有二千餘年之歷史豈不懿歟是爲序

中華民國二十三年雙十節

曾友文敘於普寧縣政府

續修儋州志前序

古者郡國州縣莫不有志夫志誌也誌之以示不忘也儋於秦時本屬徼外至漢元鼎五年始隸版圖然而狃榛初闢風氣未開由漢而唐或置或廢其本末祇附見史傳無所謂志獨至五季海內鼎沸衣冠之族或謫或徙紛紛繼至朝濡夕染無復鱗介之比故及宋紹聖間文忠蘇公以事謫儋子雲符林王肱之徒皆一時者秀相與談讌往來未幾符確趙荆王霄諸人遂以科甲發瓊臺之軼李光記云學者彬彬無殊閩浙良不誣也然其時或昌化或南寧或郡或縣或分或合變置沿革尙無專志可攷惟有明正統五年併宜倫附瓊州輿圖始一會萬曆四十一年廣西曾公邦泰以孝廉蒞斯篆瓊郡憲副戴公郡守歐陽公以修志通檄各州縣曾公乃命學正與諸弟子學員搜羅散帙而訂正之爲綱二十有一爲目六十有九井井有條儋之有志實始於此國朝受命疆域沿明舊制而慎選官司以爲之守學校建置日以盛人物選舉日以隆賦役不苛兵防益固境無災異俗號醇良康熙二十有八年儒臣纂修

儋

縣志

卷首

續修志序

四

瓊州海口海南書局代印

會典詔天下郡邑各以志聞知州沈公一誠乃綴輯前志上之及康熙四十二年瓊州太守賈公有續修郡志之舉檄行到州州牧韓祐見前志版已蝕穢不堪印刷且諸事闕畧尙多迺謀諸紳衿確查前志所未及者彙輯重鐫上之郡守自此之後文明煥發或三科而兩解或一榜而數魁甲第聯鑣武魁並捷蓋二百年於茲矣而志尙未經續修其中如科第選拔歲貢各名次郡志及登科記自有實錄惟陵谷之變遷官任之久近城倉廟社之脩復學校祠宇之建造井泉柯市之改易與夫水旱災異孝友忠義奇行鴻文絕藝之待於表彰者正不一而足况韓祐公所修雖視前志較詳而志建置則名缺村庄志秩官則目無鄉宦志鱗族則珠遺大海志草木而材棄深山種種之待於補綴者更不得不亟爲籌議光緒己丑余以賜進士第歸乃謀於衆與東坡書院一時並舉奈爲衆所梗及余捧檄赴鄂諸紳已將書院備好而志書之修尙有待焉夫儋州爲蘇公過化之地書院因不可聽其圯毀志書豈可任其殘闕歲在庚子余自楚返與衆復申前議所志務在必成爰預書於首以爲嚆矢語云莫爲之前雖美弗彰莫爲之後雖盛弗傳諸紳勉力庶觀厥成可也

光緒二十六年

庚子正月

王雲清序

續修儋州志後序

甲辰歲之正月二十日與閩州諸紳全會於經濟書院余時以修志之舉商之僉皆同聲稱是遂擇吉於三月初八日開局於考棚公選諸大紳孝廉唐丙章恩貢謝尙珍歲貢孫逢吉邢修教職陳嘉謨廩生洪道南周秉禮附貢李震雲增生陳應芳與余共十名各專任厥事而總其成於刺史某公尅日傳諭地方令有名山古跡美景隩區神壇社廟祠宇家塾純儒碩德貞婦烈女珍禽奇獸瑞草喬木靈鱗異介各以名聞由是報者踵至未數月而報悉告齊余與各紳乃將衆所報之事從實參究倘有疑信不確則又親跡其地方以驗之然後分門別類照舊志所立綱目而詳隸其下闕則補之複則刪之訛謬則正之散失則搜之新舊共集得一十一卷並付劂劂以爲久遠計諸紳因請序於余曰州之有志猶國之有史而吾儋自漢始隸版圖其去堯舜已千餘年至明始有文物則其去漢也又千餘年夫氣運無百年而不變方其變而之盛也則日新月異如苗之生而秀而實生長各以其時故中國由盤古而羲軒由羲軒而堯舜一概以一千年爲率若以吾儋例之則兩漢儋之盤古也宋元

儋

縣志

卷首

續修志序

五

瓊州海口海南書局代印

儋之羲軒也自明以及本朝儋之堯舜也聖人刪書斷自唐虞吾儋修志肇自明代雖曰人爲或亦造物自然之運是以自明至今疆域之廣建置之多學校之隆秩官之重兵防之固賊役之寬選舉之優人物之美雍雍焉有虞夏風由此以觀則吾儋之興正未有艾也第以前日之志其修與續修皆由牧守以郡守之命逼率成編無復鄉紳參酌故其爲志往往舉上而遺下詳城而畧鄉某人雖住某村而村名全闕土產乏錄瓊產而儋產偏遺相沿二百年苟非亟爲增修則文章科第祠廟學塾豈亦可聽其湮沒茲幸某刺史以廉明蒞斯土政成之暇得與吾子參互考訂以成此舉增者增補者補纖悉具備而不失之煩冗採擇維殷而不傷於缺畧世之誦此編當直與禹鼎湯盤同爲寶貴可弗序其本末使後之人得知其所由來哉余遜謝不得因勉書此以爲後序云

賜進士出身戴分湖北即用知縣隨帶加一級州人王雲清月樵氏謹序

續修儋州志序

今歲甲申適

中憲賈公有續修郡志之舉蒙檄行州採錄古儋軼事彙編重鐫見儋志舊版漫蝕蕪穢已不堪印刷而往日職員仕宦又闕畧滋多今郡志如奉續修則州志自宜遵照乃謀諸紳衿訪諸里老查前志所未及者亟爲增補仍舊分三帙總綱二十有一列日六十有九悉借紳衿里老再三商榷論定成書凡輿圖星候地理民俗志一定不易者則因之至職官歷任之年期選舉薦拔之次序倉廩祠署之修復會計徭役之經行與夫水旱災異忠義節孝之待揚藝文詩歌之堪錄者皆採而補之其間輿革宜詳表揚從實毋容飾也見在無評俟論定也存疑不削重闕文也帙成遍示紳衿里老毫無異議因弁數語以受梓人如閱儋志者謂訪求未盡補叙少文無以樹一州雅望也或難辭若謂採錄徇私去留任意徒以博一日虛名也則不敢

昔康熙四十三年臘月穀旦瓊州府儋州知州燕山韓祐拜撰

按祐字州舊志及今本多誤作祐

儋

縣

志

卷首

續修志序

六

瓊州海口海南書局代印

原修儋州志序

今天下車書一統凡中外要荒皆載入版圖自古以來無外之規模於今爲極盛焉其間山川名物戶口丁糧以及名臣碩彥節孝忠義斑斑可攷者無不從史臣之珥筆紀之但滄海之大不厭細流泰山之高悉由土壤史臣之紀必合天下之郡州縣志而彙一大觀雖然是豈一手足之力也哉因革損益何代無之是非老成者舊不能逐朝按年而瞭如指掌也予渺小後學蒙

聖恩拔遣牧儋嗟乎儋耳何地也瓊郡十三州縣孤懸大海之絕島耳聽洶湧之波濤目覩隨風之沙石人民凋殘習俗頑野烏覩所謂山川名物忠孝節義以及名臣碩彥戶口丁糧之盛哉然而儋地雖小且處絕島窮邊自漢唐以至

本朝天地之瑞異事宜之因革不因地小而無有也不因窮邊而無有也何可無以志之而不爲細流於滄海土壤於泰山耶於是退食之餘集儋耳之老成者宿旁搜博訪凡一州之山川名物歷代之名臣節義以及丁戶之盛衰風土之消長庶幾其稍備但詳畧失宜俗吏識劣不能仰副

儋

縣志

卷首

原修志序

七

瓊州海口海南書局代印

大典於萬一是爲愧焉爾

昔康熙二十八年歲次己巳仲秋月儋州知州沈一誠敬識

龍牡丹洋紅水仙狀元含笑刺桐其果則檳榔椰子龍眼荔枝楊梅橄欖柑蔗黃皮仙桃羅鼓
藏漢餘甘波羅佛手橙桔樞柑菩提小稔香櫞石榴尋椿枋檉禾藤樓謀山棗山櫨狗卵狗麻
樂蓬沙漢芭蕉枇杷其禽則秦吉黎母地鸕天鵝鶯兒燕子五色八哥山呼啞喝小吻班鳩催更
破幅烏雀白鷗猛鷹撈鳩水鴨山鷄烏鴉紅鸚翡翠鷓鴣瓦筒貓眼啄木畫眉白勞白鶴鷓鴣
鷓鴣其獸則山猪豪猪麋鹿麂犴牛甲穿山熊麝狸獺猿猴其昆蟲則墨蛇蚰蛇錦蛇火蛇竹
蟻蛇花蛇青蛇烏蛇橫水橫雞旦火禁蛇蚕螢草花蛇水母蛇龍子四脚雷公山狗螳螂蝙蝠蝴蝶守
宮蜘蛛蟋蟀蝥蟻蛙蜈蚣全蝎蚯蚓蟬蟻阿頂阿得蟾蜍蜻蜒沙灘水狗蛾蟻炸蝻五靈尺
蠖蚊蠅竹榕刀較車索母雞蚤蜂惟龜與鱉斑虱鯢鱒十沼于泚鯽鯉同游至於原野則長坡
新英五湖七里頓驕零春王家楊氏英田貝頭猪膏燈心蘭山藤根榕橋松林鐵匠橫山竹筒
洪坊洛基打煖小地樓塘瓦窰林屋漾月煙縣田頭土五東岸西邊凌霄祿域白朗官屯書開
羅美打牲劉村其種植則黍稷稻粱禾麻麥菽咸取八蠶年收三熟其蔬菜則芥藤蕒蕪東風
白花肉菜生菜甜菜蕨菜地達蒿菜茄葱蒜笋韭蕪菜艾菜菠菜瓜銀絲雞舌高脚百芽飽楊菰
薯蕷木良茶其鄉里則溫豐上下薛官西廂高麻那細新英天堂譚樂界臨抱驛連昌曾劉李

儋縣志

卷首

賦

九

瓊州海口海南書局代印

許新興大英零春長興磨黎順化三十二鄉錢牧改里中和居中太豫清泰廣潤永豐景賢樂善
尙義興仁迎恩振德同慶長春後改名長發承恩拱極冠繁登龍來薰延瑞嘉禾喬松崇文
彰信敦敦順成保惠懷集遵化太平其井泉則那細德義楊士梅家石泉水井白馬金沙洞井
坡井乳泉相泉透嶺羅懷南豐南翠荔枝松台其陂塘則大江小江榕橋橋頭東坡顏塘水井碧
沙響流狗牙白水鶯歌石攔七坊騰蚰臨清浦丹其墟市則州前丁字郎了歸姜小街曲水高
堂木棠抱舍舍晚調南南豐那務那大永昌永隆將軍白虎阜民長坡洋浦排浦大成太和東
山黎夜王五玉成小石扁石啞牲打牲瓦窰茅地大炮大營榕橋峨蔓蒲灘新英田頭海頭那
審塘甯秀頭洛基松林新瀛其廟寺則山川社稷雷雨雲風城隍關帝眞武周公將軍旗纛甯
濟華光五顯忠顯龍王馬王六官班帥三面石花竹枝太子金聖水沙神補黎母州厲天妃東坡
賢宦貞利白衣其樓亭則觀音凌霄桃榔湛然五星天慶開元息軒動鑑得月繼美尊賢秀香
堅白戰酒流連文德吏隱砥柱籌邊熙春博望賓燕肆筵臨清湧月細香飛煙問津歸詠雲錦
媼妍迎恩冠古九思綿綿其學校則文廟之外中設環廂大英大水洛基歸姜大邨大員松林
木棠長坡長安石門顏塘永泉何村田頭禮堂其義社則東坡天堂義齋零春龍溪鴨脚松臺

蘭村調南振德湖山玉山寶山三山猶存其坊表則發祥鍾秀承宣澄清雲梯晉賢文魁文明
儒林魁士射鵰絃歌迎春金粟攀桂撥科步蟾步月登士登雲尙書進士永豐來薰其土俗則
軍民竈蛋城市鄉村言語衣服別戶分門鄉村種樹城市經商漁婆市女負販熙攘上街下里
佛殿巍巍巫當醫士猪作藥材俗無妓女人愛客賓折釵換酒禮義彬彬問晴課雨占侯測風
蜂蘆鵝豆響唵歡豐正月之吉享祀家先鄉設酒禮市備糖圓立春迎春四方來觀鞭牛擲豆
爭識長官上元前後賽會迎神紅男綠女鬪麗爭新二月雷禁古俗久弛延師入學耕種及時
三月三日採藥紛紛清明墓祭士女如雲四月清和麥穗滿坡既收又種處處秧歌五月端午
角黍相遺襟懸香袋臂繫綵絲六月季夏薰風南來晒衣祀灶鄭重安排七月授衣用妥先靈
自朔望黍稷生馨中秋賞月文社修儀羹膾食樵號剝鬼皮九月九日逐疫蒸糕童兒放箏
學士登高十月穫稻納稼築場婚姻嫁娶百事慌忙冬至之日大會祠堂以享以燕濟濟踴踴
除夕拜掃送節送窮換符守歲燈光融融原夫生民之始維虺維蛇麩砧交趾黎女刺花裸人
黑齒種類日多歧分三姓曰符樓羅漢羅置郡徒事拘縻修賦納貢頑蠢如初五季之末神州陸
沉大夫君子避亂相尋海門一帶比屋如林薰陶濡染風會駸駸沿及趙宋坡老來儋州中人

儋縣志 卷首

賦

十

瓊州海口海南書局代印

十載酒相談子雲淡泊霞舉渾涵符林靜謐公輔精耽吳羊各秀挺挺奇勇海外一集致意再
三符確趙荆榜開龍虎瓊海科名於斯焉取若陳王羊曹張許杜一十四人薦膺華臚和靖玉
蟾坭塗朱組石室燒丹夢婆踵武符黎黃珍有奎乾輔元世代興德星象聚越在勝國風教寢
昌趙薦於野賈舉於鄉曾稱四雋吳號六良二陳二薛三符三黃孫沙羊鄭徐黎林唐屈楊及
李四八聯芳尙書薛遠瓊宴獨嘗明經羊董祀典同彰孝義殷李蕭沈何羊陳胡曾董玉潔日
光儒林十二有艘與梁四陳二王鄭唐蔡郭炳炳熒熒行陳祐林唐于楊高逸陳璠孫曾尤
強節婦烈女風倡符羊朱林陳范徐沈符湯曾劉胡陸凜凜冰霜方技李義術妙長桑林潤工
畫片紙珍藏 國朝受命大化滋培黎民徧德庠序多才或三科而兩解或一室而三魁陳氏
六良薛家雙鳳符門四駿王室三槐爰有邱羊與吳並起黎蘇張唐隨後相繼惟彼黃王並登
甲第一北一南後先美濟至於孝友孫薛可稱受遺嘉順矢志真誠泰塔幼慧實本性生震山
苦學室造朱程詩文之傑何陳爲尤黎王吳李兩蒲兩周若劉若簡行亦兼優誰甘隱逸惟陳
與王神童符李聞望昭彰若論老年乳泉三世十有一人名亦可記節烈婦女共十五人或撫
孤姪或順雙親丹青吳氏醫術楊家堪輿妙王洪無加是蓋精華萃聚靈秀全貽四時夏似

一雨秋猜笋從冬發菊過年開路通瀛海境接蓬萊石傘屹立山室崔嵬龍興雲雨蜃吐樓臺
羊角久兆大業新栽爾乃時會日新文明日愈社結賓興廟成學宇俗革飲羊人崇義氣債可
相資侮必相禦禮讓彬彬衣冠濟濟此固耳目之所見聞非同談諧之載記言既中州賓乃肅
然曰善哉子言夫天地之氣自北而南山川之氣積久彌恬儋耳位當離火風氣實始於建炎
借松林以坐鎮乃瓊之全兼會生申以及甫知發育之猶廉大富貴亦壽考當於吾子爲之占

儋縣志

卷首

賦

十一

瓊州海口海南書局代印

